

乾隆杭州府志

杭州府志凡例

一杭州山澤之區仰邀

宸顧

翠華六幸億兆臚歡卷首敬錄

宸章恭紀

巡幸和澤榮光照濡簡策爲杭人慶所遭也

一州郡之志古稱圖經圖與經相輔而行也今自府城及所屬州縣次第繪圖竝及於名山大川各繫以說舊圖可資考證者間從附見

一地理以目驗爲準鄭康成地理之學所由遠勝漢儒也

今誌一郡之事徵引前聞叅以覩記庶不爲異說所淆建
置既定則疆域形勢城池鄉里市鎮橋梁俱可瞭如指掌
一著以定位昉於周制凡志俱載公署會城爲統轄之地
所載較詳學校以興民教而祠祀之合祭典者竝以次分
列

一杭州山水之勝久而益著咸淳臨安志遞載峯嶺巖洞
溪澗泉池今仍其體例證舊聞則存古蹟標新目則有名
勝寺觀冢墓皆古蹟之分著者以類相及猶鄮亭水經注
牽連而書也

一賦稅戶口爲資治之本

聖朝薄賦輕徭積貯卹政法美意良兵制錢法鹽法俱釐定章程分門臚次用愼省成

一瀛壖江岸首重隄防淤湖築陂以資灌溉恭遇

省方盛典

臨涖海塘指示周詳爲東南億萬戶永被寧瀛之計而溪湖之有裨民生者皆以時修濬聯海塘水利兩門誌膏澤之遠被也

一物產因其土宜天道有盈歉則祥異互見守淳樸以劑其平在乎人事之修故風俗與物產祥異相次

一漢書藝文志備述作之源流後分四部條理整齊茲錄

前人撰著從

四庫全書條例釐整部分吉金貞石之文爲考證所取資並著其目至詩文之有資掌故者散見各門

一職官題名專誌一府之事馬志兼及統轄之官蓋其時省志未修存備稽考也今覈其體例應歸省志自知府以下始列於表

一宋人舊志有宦蹟錄祇載其居官德政不備類未非列傳體也或以名宦爲列傳之首則於體制乖矣今分輯專門統轄之官杭人親被其澤者仍書於冊

一選舉題名各以時代爲序五代錢氏諸系載在封爵門

歷代封蔭卽分叙於後

一人物傳悉据正史及前賢文集四方志乘以期徵信自明以前多補舊志之闕其新增者悉符輿論列女以旌冊爲據賢媛閨秀附見簡末

一雜記以補各門所未備辭必雅馴無取支蔓後載前志原委用見相繼纂修之本末

一修志創議自前守邵君闇谷稿本略具未及授梓後來當事嘗請嘉定錢明經獻之校正復請丹徒王太守夢樓爲之釐定及付梓時又不盡從王錢兩君校釐之本而兩君手藁今亦無存者茲續事編纂惟以邵本爲据詳加考

覈增其所未備焉

儀徵鄭澧楓人氏識

杭州府志前後修輯姓氏

乾隆四十三年原修

總裁

杭州府知府邵齊然江蘇昭文人

總修

薦舉博學鴻詞汪沆錢塘人

翰林院編修王增會稽人

翰林院編修邵晉涵餘姚人

分修

內閣中書章煦仁和人

原任刑部江南司員外郎姚遠翹錢塘人

原任江蘇鎮江府知府姚翀錢塘人

原任太平府同知高瀛洲錢塘人

原任廣西賀縣知縣鄭之翀錢塘人

原任衢州府教授翟灝仁和人

原任嘉善縣學訓導黃璋餘姚人

候補大理寺丞汪汝璫錢塘人

候補運同孫仰曾仁和人

乙酉科舉人陸飛仁和人

庚寅科舉人吳玉墀錢塘人

甲午科舉人朱珏錢塘人

優貢生沈颺錢塘人

杭州府學生蔣師煥錢塘人

杭州府學生李蓮錢塘人

分校

中書科中書吳毅仁和人

原任松陽縣學教諭邱學敏鄞縣人

辛卯科舉人翟以權仁和人

甲午科舉人沈景熊仁和人

監修

杭州府志

姓氏

錢塘縣學教諭韓義會稽人

溫州府泰順縣學教諭姚廷璣仁和人

台州府天台縣學教諭陳文豹青田人

採訪

仁和縣學教諭張聲遠慈谿人

新城縣學教諭嚴殿謬定海人

乾隆四十九年續修

總裁

杭州府知府今陞浙江糧儲道鄭澐江蘇儀徵人

總修

翰林院編修邵晉涵餘姚人

分修

候選道金泳錢塘人

署海寧州學正陳焯烏程人

原任江蘇崇明縣縣丞汪彭壽仁和人

庚子科副貢生汪庚錢塘人

總校

太平縣學教諭吳玉墀錢塘人

分校

戊子科舉人 賜國子監學錄銜王喆仁和人

候補主事胡夢檜錢塘人

議叙主事金棧錢塘人

杭州府學生狄垣

錢塘縣學生汪步瀛

錢塘縣學生李藻

錢塘縣學生施炘

仁和縣監生孫寬

嘉興縣學生胡開昌

餘姚縣學生沈思詵

監修

杭州府學教授郭乾鄞縣人

錢塘縣學訓導馮省槐桐鄉人

謄錄

江蘇儀徵縣監生鄭橋

杭州府學生吳玉書

杭州府學生金珏

杭州府學生施蔭槐

仁和縣監生杭字仁

錢塘縣監生許本

錢塘縣監生許豐

錢塘縣學生汪上元

會稽縣監生王塤

桐鄉縣學生孔昭華

杭州府志卷首恭紀

宸章

謹錄五卷

巡幸

謹錄一卷

杭州府志目錄

卷一

圖說

卷二

建置

卷三

疆域

形勝附

卷四

城池

鄉里附

卷五

市鎮

卷六

橋梁

卷七

祠廟

一

卷八

祠廟

二

卷九

祠廟 三

卷十

學校 一

卷十一

學校 二 書院社學附

卷十二

公署

卷十三

山川 一

卷十四

山川 二

卷十五

山川 三

卷十六

山川 四

卷十七

山川 五

卷十八

山川 六

卷十九

山川七

卷二十

山川八

卷二十一

山川九

卷二十二

山川十

卷二十三

古蹟一

卷二十四

古蹟二

卷二十五

古蹟三

卷二十六

古蹟四

卷二十七

名勝

卷二十八

寺觀一

卷二十九

寺觀 二

卷三十

寺觀 三

卷三十一

寺觀 四

卷三十二

寺觀 五

卷三十三

冢墓 一

卷三十四

冢墓二

卷三十五

兵制

卷三十六

錢法

卷三十七

鹽法

卷三十八

海塘一

卷三十九

海塘 二

卷四十

水利 一

卷四十一

水利 二

卷四十二

水利 三

卷四十三

水利 四

卷四十四

戶口

卷四十五

賦稅一

卷四十六

賦稅二

卷四十七

賦稅三

卷四十八

賦稅四

卷四十九

賦稅 五 關權附

卷五十

積貯

卷五十一

郵政 育嬰堂養濟院附

卷五十二

風俗

卷五十三

物產 一

卷五十四

物産二

卷五十五

祥異一

卷五十六

祥異二

卷五十七

藝文一

卷五十八

藝文二

卷五十九

藝文 三

卷六十

金石 一

卷六十一

金石 二

卷六十二

職官 一

卷六十三

職官 二

卷六十四

職官 三

卷六十五

職官 四

卷六十六

職官 五

卷六十七

選舉 一

卷六十八

選舉 二

卷六十九

選舉三

卷七十

選舉四

卷七十一

選舉五

卷七十二

選舉六

卷七十三

封爵
封廕附

卷七十四

名宦一

卷七十五

名宦二

卷七十六

名宦三

卷七十七

名宦四

卷七十八

名宦五

卷七十九

名宦 六

卷八十

人物 一 名臣 一

卷八十一

人物 一 名臣 二

卷八十二

人物 一 名臣 三

卷八十三

人物 二 忠臣 一

卷八十四

人物二 忠臣二

卷八十五

人物三 武功

卷八十六

人物四 循吏一

卷八十七

人物四 循吏二

卷八十八

人物四 循吏三

卷八十九

人物

四

循吏四

卷九十

人物

五

儒林

卷九十一

人物

六

孝友

卷九十二

人物

七

義行

卷九十三

人物

八

文苑一

卷九十四

人物 八 文苑二

卷九十五

人物 九 隱逸

卷九十六

人物 十 方技

卷九十七

人物 十一 列女一

卷九十八

人物 十一 列女二

卷九十九

人物 十一 列女三

卷一百

人物 十一 列女四

卷一百一

人物 十一 列女五

卷一百二

人物 十一 列女六

卷一百三

人物 十一 列女七

卷一百四

人物 十一 列女八

卷一百五

人物 十二 寓賢

卷一百六

人物 十三 仙釋一

卷一百七

人物 十三 仙釋二

卷一百八

人物 十三 仙釋三

卷一百九

雜記

卷一百十

前志原委

杭州府志首卷一

宸章

聖祖仁皇帝

文

南巡詩序

朕念切民依咨詢幽隱于二十八年春再舉南巡爰自畿甸東
臨齊魯沿沂江淮達于吳越曩者甲子之歲輿衛所經瞻顧閭
閻觀省謠俗憫懷澤國軫恤羣黎未嘗一日忘于朕心已嘗形
諸篇詠載前集中今茲重歷郡邑見民物漸殷生業就理遠勝
曩時中心慰悅又不禁吟咏及之途中停輦撤蹕欲以洞悉輿

情數千里間百姓懽躍載路星攢雲集瞻依愛戴發于至誠朕
自惟化理何以克洽民情益用是欲然也廼于巡歷所至沛膏
澤飭官方戒民俗修典禮經武備覽河防施諸事矣又發諸言
或御帳殿或撫船窓吟詠所及性情在焉古人云詩言志凡朕
篇章所寓時以民生風化惓惓爲念卽間有眺覽之際抒寫景
物指顧河山要其寄託則自有在也因哀而集之爲南巡詩一
卷云

南巡詩序

朕三度南巡咸因視河親爲籌畫遂至江浙察吏安民所歷之
地隨其時宜廣沛膏澤拯疾苦焉茲行兼奉

皇太后鑾輿而南既可無闕定省之儀且欲見

先帝開基富有四海而朕守成教育率土清寧無慚付託以博

慈顏之懌悅然往返邇迅絕無滯留百司章奏三日一送行在卽
與剖決舟行多暇仍覽書史日操觚翰偶寄吟篇莫非記採風
俗時存懷保兢業之意後之人讀朕前後南巡諸詩知朕心之
有在云爾

重修天竺寺碑文

朕御歷凝庥心周區域省方設教蹕駐湖山眷茲民力于東南
詎止皇輿之名勝若廼因其舊蹟無侈前觀則天竺寺之所由
以重修也粵惟驚嶺著于西方法輪則一竺峰麗于南國名利

維三固緇梵所薰修亦仙靈之窟宅潮音送響遙接普陀塔影
橫空長留舍利瑞光發于澗上奇木像大士之容白衣感夫夢
中淨域建看經之院或旱乾間作禾麥告枯而幡蓋來迎霖雨
濡足有禱輒應無福不臻斯固歷晉宋以迄今實亦載簡編而
可信意者能仁之量等于好生佛道之成闕乎民隱推斯指也
不其偉歟將使般若之門隨方而啓仁壽之域舉世咸登有其
興矣曷可廢哉朕曩者親奉

慈闡式臨茲宇自芳湖而西顧望初地以南循輦過花迎旌廻雲
捲巖深乳竇含真珠之寶光峰轉飛來帶琉璃之紺色百靈斯
護七聖不迷旣祝我

皇太后壽履康寧復翼凡茲庶民室家盈慶然則迦釋之弘慈與國家之布德豈有殊也顧念山靈如昔寺貌未新我

皇太后爲國發心爲民祈福特申

慈命重葺香林茲役之興不妨民事凌雲再煥將無乾竺之靈匪日成功寶篤坤元之慶恒沙國土偕常樂以同升億萬蒼生享太平而無極是則我

皇太后之聖心依然迦釋之心而于朕經營天下利濟生民之心亦適有愜也夫

重修淨慈寺碑文

蓋聞寶界三千咸歸淨業珍臺八萬同證慈航施布地之銀衣

國名舍衛供彌天之珠樹園號祇洹自靈鷲西來至玉函南渡
肩軒飛閣起鹿苑于湖山芝蓋花幡記伽藍于崖谷皆爲選佛
之場實是棲真之室杭州淨慈寺者周顯德中締構也宿尊入
夢殿闢永明白足藏書堂開宗鏡擔經錫杖卓石上之奔泉皈
法金魚伏亭前之寒井南屏山色螺翠千盤北岸波光琉璃百
頃高柯映戶時來獻果之猿修竹叅霄常見銜花之鳥數經營
于越角已歷多年論景致于淞江信稱勝地乃者僧人不戒難
返風輪遂爾像教延災適遭火劫禪基未續道跡將湮朕周覽
餘杭巡行南國惜茲善果結此福因命集工徒重葺院宇蘭楣
桂棟出炎網而煥金繩藻稅雕題化崑岡而爲玉闕巍我琳殿

偕蓮座以俱新璀璨瑤幢對雷峰而並立飄孤山之香雪居然
花散維摩舞方丈之長松依舊風清羅漢龍天護法鬱東嶺之
烟霞獅象宣音應西興之鐘鼓蛟藏江浦再聽梵音鵠下晴空
還看瓶刹智燈回照顯色相于已傾慧日高懸鎮檀林而永固
俾下域顧瞻淨土時懷常淨之心願羣生感化慈緣悉發大慈
之隱用摘紫翰述壯麗之規模爰勒青珉標建修之歲月康熙
四十九年十一月穀旦

桑賦

并序

朕巡省浙西桑林被野天下絲縷之供皆在東南而蠶桑
之盛惟此一區近在官中刻爲耕織圖每示司牧使知其

艱苦今更爲賦以託意焉

伊彼條桑其葉始蕸春日載陽綠陰乃披紫陌上兮嫋嫋綺岍
側兮垂垂來璧旭之晨照受光風之午吹影映帶兮青翰色彷彿
兮翠旗旣扶疎而相亞復低昂而參差念蠶事之欲動正芳
候之如期聿茲女紅生計是賴采采盈筐慎加覆蓋虞日煦之
少潤防雨頻之爲害儻薄蘆之不繼時憂心之旆旆虔飼食之
維勤勞形神于塵壒摘曉露之輕滋乘良月之新薈望千畝之
閒閒實蠶家之弘賚誠黼黻之必資繫袞職之用大其重等于
苗稼爲王政之不外予恒恐其難知作深宮之圖繪至夫厥貢
著于尚書沃若詠于篇什公室見說于禮經牆下屢申于孟集

試古訓之歷稽又民務之應急若乃訝爲神木騁以青華末照
是晞甘樾如瓜駟雉表異黃鳥稱嘉雖景物之堪娛咸無關於
大家夫其詫幢幢之高蓋美亭亭之奇樹靈根依倚于十洲巨
跡遂闢于周宇類齊諧之荒唐皆予今日之所不取也聊因清
晏簡牘是書用示遠邇是漑是鋤共知愛護種繞其廬蠶桑農
稽安寶璠瑛

蓴賦

并序

蓴生杭之西湖與蕭山之湘湖一名水葵蒂葉之間精華
可鑑而味又鮮美如士君子道勝而腴意象閒遠朕南巡
浙江愛嘗其羹舟行多暇援毫賦之

維此細物生于清流出泥不淄浸水不浮翳纖莖而內蘊簇小
穎以中抽濯寒影于冰壺含精光于玉璆夫其當春乃茁春暖
漸稠藻荇詎匹挾蔣奚侔浴西湖之澄泓漱鏡水之滌漚人薄
言兮采之恒蕩漾兮方舟至若滑漿膩脂手掬難留登之簞簋
調和是謀冒以紫葢雜以芳脩驚流匙之鮮瑩快入口之脆柔
味雖標于冲淡意可符于鱗虬固堪同于抱德之士自保其潔
素抑將比于超尚之徒深潛于隱幽非尋訪之不遺幾有失于
冥搜若迺薰風五月小卉芬裒香凝淺瀨色點輕漚華實並茂
更副予求彼洞庭之所擷恐難媿茲妙產笑季鷹之所託又何
待于思秋偶執筆以摘辭宜薦之于瓊樓

詩

巡幸杭州

東南上郡古臨安親採風謠一省觀翠岫龍從猶舞鳳羽旗簡
約不鳴鑾春暉草木江山麗戶滿弦歌雨露寬德化遠敷吾未
信如何夾路萬聲歡

吳山

左控長江右控湖萬家烟火滿康衢偶來絕頂憑虛望似向雲
霄展畫圖

泛舟西湖

一片湖光潋灩開峰巒三面送青來輕舟櫂去波添影曲岸移

時路卻回春色初搖堤上柳惠風正發寺邊梅此行不是探名勝欲使陽和徧九垓

西溪

十里清溪曲脩篁入望深暖催梅信早水落草痕侵俗藉漁爲業園饒筍作林民風愛淳樸不厭一登臨

題西溪山莊以竹窻二字書賜高士奇

花源路幾重柴桑皆沃土烟翠竹窻幽雪香梅岸古

過桃花嶺至玉泉寺

度嶺穿雲路始平停鑣聊憇小池清游魚自有悠然意豈識乾坤造物宏

湖心亭

水上起樓臺湖面平如鏡春風吹柳條遠與山光映

渡錢塘江

雪後春烟漠漠浮揚舲擊楫向中流江通潮汐分吳地路入溪

山隱越州振武戈矛皆駐馬

憶用武時大兵屯駐江干

省方旂葆此乘舟風

帆沙鳥看何限遠近雲霞望裏收

雲棲竹樹甚茂幽蘭滿山

山徑紆徐合溪聲到處聞竹深陰夏日木古勢千雲倚檻聽啼

鳥攀崖採異芬韶華春已半萬物各欣欣

虎跑泉

并序

西湖自昔畫舫笙歌之地朕茲行志本省方止一覽其山
川風土未曾片刻停驂尚食但飲虎跑泉水一勺耳
松林帶餘雪空山啼百舌石榴響涓涓寒泉自清潔

靈隱寺

靈山結幽秀鷲嶺起嵯峨梵宇盤空出香雲繞地多開襟對層
碧下馬撫烟蘿羽衛閒來往非同問法過

飛來峰

巖岫峻嶒洞壑竒懸藤古木半迷離冷泉亭子清溪上誰識源
頭混混時

諭浙省將吏軍民

并序

朕自武林回鑾百姓擁道固請暫留慰諭遣之因詔諸將
吏務在調劑兵民共相輯睦息訟弭爭務本崇儉毋專末
業以滋游惰并賦斯篇

省方浙西東山川極遐矚茲晨當回鑾諄諄一相勗軍民貴安
和文武須聯屬息忿可無爭守分在忍辱日使訟庭閒愚民免
械梏奢侈尤當懲繁華莫恣欲儉乃保其富素履各敦篤惟令
教化興益見間閭足諸吏宜勉之期歸淳樸俗

舟中書懷

澹澹春山暮靄清和風拂柳入簾輕留情遠寄懸千里撫景興
懷歷幾程寒盡梅中初霽雨詩成洲上忽聞鶯船窓睡起疑宮

闕月滿江湖聽櫂聲

閱河之便奉

皇太后臨幸武林是日喜晴

雄城千雉帶江湖羽衛重臨氣象殊
九有承歡逢勝日萬民擁戴滿亨衢
時當豐歲人咸樂海不揚波澤遠濡
况是春陽布暄暖無遑韶景溢輿區

雲棲寺

江路轉隈隩山行愜心賞古樹與茂竹
翳蔽極深廣潏潏細泉流萋萋芳草長
其際春之暮天氣堪俯仰鳥性鳴晴曦
蜂蝶爭下上巡省歷窮谷所至察萬象
小憇澗壑幽澤貴被草莽

西湖

湖光開澈灩臨幸及芳時淺翠堆山色輕香拂水湄彩旂看自
動畫鷁覺平移靜坐觀羣類資生得所宜

湖心亭閒覽

虛牖層闌挹翠微春容澹沲送晴暉澄波如鏡涵天影魚鳥欣
欣自息機

宋臣蘇軾開湖溉田築隄瀦水杭民利之爲政者不當如
是乎

長隄十里跨湖波官柳青青覆軟莎漫道只爲遊賞地懸知布
政在民和

驚峰

何處飛來一塊石嵌空巖竇作玲瓏下臨巨澗淙淙冷上蔭長
松謾謾風

雲林寺

無爲幾事少問俗駐林邛衛騎森嚴滅爐烟黶黶浮鳥啼香界
古花綴梵筵幽野徑春風引輕鋪細草柔

菜畦

東南農事已春深菜隴花開滿地金獨愛小民勤力作馬頭堪
慰省方心

行宮雨中望吳山

檻外青山縱目收
繁花初落葉新稠
更教點染烟雲色
添得窻前翠欲流

亭泉

臨池懷雅則采秀在山青
每念風波息心寬與水平

閱浙江駐防將士射

羽林舊將分防重
吳越名區古要疆
講武正宜清晏日
人人自擅技穿楊

示江南浙江守土諸臣

宇宙方清寧吏治尚端廉
農使樂耕鑿民使適里閭
大寮總其要小吏毋苛纖
紀綱不可弛隨時酌寬嚴
爲上能自愛羣屬必

畏鉗訟惟善得情操守時警砭勿恃才妄作勿以媚自快務令
比戶豐膏澤遠近霑朱轡與彤駟萬姓所具瞻臧否道有碑防
口難可箝不見廣厦材聳榦從幽潛不見沖霄鶴飲啄本靜恬
告誠示勉勗保護茲庶黔

再過驚峰

愛此清幽一徑深馬隨泉響入雲林蒼苔古洞何年鑿脈脈韶
光自賞心

登吳山

重經層巘暫停鑒天日晴和覽眺寬城市萬家烟火近念茲莫
遣有饑寒

望錢塘江

江流幾折勢灣環
指點遙岑是越山
南朔東西無一事
春風浩蕩奉

慈顏

虎跑泉

靈泉涌地寒侵骨
勝跡名高著虎跑
似恐被人頻汲取
一泓清迥出山坳

由淨慈寺經南屏諸山

紆曲南屏路欣隨步輦來

時奉皇太后觀覽

鳥飛驚玉仗花落點經

臺遂閣聞松籟疎籬迸竹胎
雙峰高不極更在白雲隈

孤山放鶴亭

處士人何在山前夕照來亭空不見鶴
磴古尚留梅楊柳紫烟嫩棠梨過雨開
今朝閒繫艇還自愛賢才

玉泉有五色魚賜名清漣寺

錦鱗游泳漾池紋隱藻穿蘋暗作羣
濠濮會心原不遠清漣題額與傳聞

西湖再作

面面山容澹盈盈水態清
流文縈傑閣波影蕩高城
燕舞知迎權花低解避旌
乘春弘沛澤隨地稔民情

浙省道上書懷

徧野農桑繞翠旌
畦童叟帶雲耕
江山盡是昇平日
寸晷難忘終始情

桑林乍綠蠶事方興詩以嘉之

彌望桑林吐葉垂
枝嫩碧初勻
竹舍正殷蠶務
天工雨露維均
過雲栖憩竹林下
令人劇筍劇蘭

尋春二月幸雲栖
滿目天光入品題
密林布蔭樵漁樂
幽栢成行蕙芷齊
浴手臨泉開籜筍
傍巖倚石選蓬藜
餘杭風景西湖勝
未若山中待竹迷

雲棲歸途遇雨

錢江風雨促前旌
竹樹繽紛細草萌
夾岸黎元瞻拜切
頻施膏

澤愜民情

錢塘江湖

相傳冰岸雪崖勢滾滾掀翻擁怒濤風靜不聞千里浪三臨越地識江臯

西湖夜月

月照清漣靜不波鸞簫象管夜來多輕舟豈羨江湖勝欲寫無私屬棹歌

岸側桑葉初碧

夾岸青青遶御舟濃桑初茁滿村謳省方遍問蠶家苦春雨連綿盡日憂

巡省江浙見閭閻有起色示諸臣省刑愛民

巡方不用駕樓船白舫蘭橈問市廛和氣成春知歲稔清風布
物愛時妍齊民但示蒲鞭辱報國應同竹節堅莫恃才名輕庶
政冥冥中自有青天

駐蹕杭州府

越境湖山秀文風天地成南臨控禹穴西枕俯蓬瀛容與雙峰
近徘徊數句盈民心多愛戴少慰始終情

西湖遇雨

雨洗催花葉滿林柴門曉色靜沉沉微飄柳絮春光晚輕縠徐
波見水心

西湖戲作

晴雨分山色
臨流啓壯觀
樓臺橫水面
梵塔插雲端
忽訝松間竹
當誇巖下蘭
風光被草木
無處不成歡

幸雲栖二首

鳥道沿江問
信潮石頭恬
靜有歸橈
轉移至險看
洄洑盡得人
防莫失調

其二

竹徑因依長
綠苔桑田菜
麥碧巖隈此
來也爲佳
山水又恐遲
行畏景催

蜀江浙積欠

賜撫臣張鵬翮

國家財賦東南重已責蠲租志念殷雨澤何妨頻見渥普天願
與樂耕耘

初八日行宮題

康熙四十四年四月

歲月流光五十春兩江風景一時新蟠桃果熟春光好海屋籌
添麗日明幸有百僚分節治虛嗟涼德際昇平年豐物阜民安
樂何必燕京是帝京

考試歎

賜學臣文志錄

人才當義取王道豈紛更放利來多怨徇私有惡聲文宗濂洛
理士仰楷模情若問生前事尚憐死後名

匾額對聯

靈隱寺額

雲林

飛來峰匾

飛來峯

湖心亭匾聯

靜觀萬類

天然圖畫

波湧湖光遠

山催水色深

褒忠亭匾

名垂青史

西湖十景區

蘇隄春曉

柳浪聞鶯

花港觀魚

曲院風荷

雙峯插雲

雷峯西照

三潭印月

平湖秋月

南屏晚鐘

斷橋殘雪

放鶴亭額

放鶴

靈隱寺匾聯

禪林法紀

禪心澄水月

法鼓聚魚龍

上天竺匾

法雨慈雲

雲棲寺額

雲棲

松雲間

淨慈寺匾聯

淨慈寺

西峯

雲間樹色千花滿

竹裏泉聲百道飛

清澗寺額

清澗寺

中天竺圖

靈竺慈緣

聖因寺圖聯

澄觀齋

雲牕靜挹峯巒秀

花徑平分松竹香

涵清居

入座烟嵐鋪錦繡

隔簾雲樹繞樓臺

西湖山房

蒼靄望中收
四面湖光依几席
薰風行處遍
六橋花柳間
桑麻

攬勝齋

花雨潤時霑翰墨

竹風清處韻琴書

光碧

千峯林影簾前月

四壁湖光鏡裏天

雲岫

螺尖滴翠峰千疊

鷺尾凌霄竹萬竿

萬物靜觀皆自得

四時佳興與人同

淳泉

觀潮樓匾

恬波利濟

皇竹亭匾

皇竹

理安寺匾聯

理安寺

石磬正音

法雨晴飛遶殿香雲至

天花晝下交空瑞日懸

勢到岳邊千峯環秀色

聲歸海上萬水拱洪濤

敷文書院匾

浙水敷文

崇文書院匾

正學闡教

錢王祠匾

保障江山

四照亭額

雲峯四照

賜鎮浙將軍臣宗室諾羅布匾

天潢維翰

賜少詹事臣邵遠平匾

蓬觀

世宗憲皇帝

文

浙江海神廟碑文

國家虔修祀典以承上下神祇嶽瀆海鎮之神秩祀惟謹視前代爲加隆朕臨御以來夙夜以敬

天勤民爲念明神之受職于

天而功德被于生民者昭格薦歆敬禮尤至其爲民禦大災捍大患合于祭法所載則尊崇廟貌以昭德報功蓋所以遂斯民瞻仰之願而動其敬畏祇肅之心使無敢慢易爲非以得永荷明神之嘉貺意至遠也皇輿東南際大海而浙江海寧居瀕海之衝龜山赭山列峙其南颶風怒濤潮汐震蕩縣治去海不數百步資石塘以爲捍蔽雍正二年潮湧堤潰有司以聞朕立遣大臣察視修築且念小民居恒罔知敬畏慢神褻天召災有自爰

切諭以修省感應之道令所司家諭戶曉警覺衆庶比年以來
徼

明神庥祐塘工完固長瀾不驚民樂其生間井蕃息越七年秋
汎盛長幾至泛溢吏民震恐已而風息波恬隄防無恙遠近歡
呼相慶謂惟

大海之神昭靈默佑惠我蒸黎以克濟此朕念滄海含納百川
際天無極功用盛大神實司之海寧爲海壩劇邑障衛吳越諸
大郡海潮內溢則昏墊斥鹵咸有可虞

神之禦患捍災莫此爲大特發內帑白金十萬兩勅督臣李衛
度地鳩工建立

海神之廟以崇報享經始于雍正八年春三月泊雍正九年冬十有一月告成門廡整秩殿宇深嚴丹雘輝煌宏壯鉅麗時展明禋典禮斯稱爰允督臣之請勒文穹碑垂示久遠俾斯民欣悚瞻誦共喻朕欽崇

天道祇迓

神庥懷保兆民之至意相與嚮道遷善服教畏神則神明之日監在茲顧答歆饗其炳靈協順保護羣生莫安疆宇與造物相爲終始有永勿替朕實嘉賴焉

天竺寺碑文

浙江多名山古寺天竺乃昭著之大利也湖山明秀勝地鍾靈

觀音大士歷徵顯應奇木妙相舍利瑞光普現宏慈久而彌彰
有感必通如響斯捷

皇考聖祖仁皇帝巡幸浙西重新香界

御製碑文照耀穹宇爲

慈聖祝釐爲蒼生祈福意至厚也祝融不戒宜事鼎新爰因總督
李衛之請命發帑金載加修葺雍正十二年十一月工竣璇題
朱網丹雘煥如遠近人民瞻仰歡悅用勒文翠珉以紀其事夫
佛法廣大無邊不可思議而大士慈悲爲念隨聲赴感普濟羣
生是以善信皈依有求輒應然天人感召之理無他曰誠敬而
已矣當其誠心懇至雖以愚夫愚婦之微賤而冥漠之際呼吸

相通如其不然卽有靈明響應悲憫救護之聖心亦不能強迷頑者而施之惠澤故曰神無常享享于克誠又曰至誠而不動者未之有也不誠未有能動者也夫斯人生享太平之福日用飲食一絲一粟在在皆天地覆載之恩卽在在皆明神庇祐之力使非時存敬信之心好善遠罪以迓福祥而獨于祈禱迫切之時奔走膜拜翼邀鑒格則誠意微薄豈能感應尚安望休祥之敷錫乎是以大士之慈悲靈聖振古如茲而斯人之昭受神庥必由自致誠能虔敬居心實力嚮善漸除惡念廣種福緣則善氣和會感致繁禧大士慈恩降祥錫祉年豐物阜風雨以時衍蕃昌而躋仁壽朕愛養黎元之至意其深慰矣夫

浙江海神祭文

明神受職于

天恩覃澤國禦災捍患利賴宏深凡茲東南黎庶所得保室家而
安耕鑿者

神之賜也朕恭膺

天命撫御寰區夙夜敬共以承上下神祇之祀所期海宇蒼生永
蒙庇佑惟茲浙西郡邑實爲瀕海要衝比年以來仰荷

神靈嘉貺頻昭安瀾共慶迺者風潮鼓盪衝潰隄防近逼民居
吏人震恐朕痾瘝在念軫惻惟殷遣遣重臣周行相度涓日鳩
工爲海疆圖久遠奠安之計用是潔誠致禱虔命在工大臣敬

展祀事昭告悃忱惟

明神俯念海壖億萬生靈城郭田廬于茲託命隄工木石皆出
脂膏力役所需民衆勞苦伏冀洪昭福祐默相大工綏靜百靈
風恬波息俾功作得施長隄孔固克底厥績衛護蒸民保聚生
全安享樂利則東南列郡溥被庥祥朕實拜
明神之功德于無疆矣謹告

詩

扈

駕幸西湖

宸章璀璨麗湖軒映帶烟波羽衛屯山入

御筵青未了草迎

蹕道綠方繁暮巢鶴飲雲間翅遠寺僧歸月下門花柳六橋爭爛
熳齊承

春日似春溫

匾額對聯

聖因寺額

聖因寺

澤永湖山

理安寺匾聯

慈悲自在

曹溪人瑞

成佛念輕縱然自在還爲妄
度生心切須信慈悲也是貪

杖履得回遊子脚

葛藤灰盡老婆心

竹素園額聯

竹素園

花枝入戶猶含潤

泉水侵階乍有聲

海神廟匾

福寧昭泰

賜大學士臣陳元龍匾

林泉耆碩

杭州府志首卷一